

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

ENPLEGU, MERKATARITZA ETA TURISMO SUSTAPENAREN ETA FORU ADMINISTRAZIOAREN SAILA

Foru Gobernu Kontseiluaren 774/2021 Erabakia, abenduaren 21ekoa. Arabako Foru Aldundiaren Administrazio Orokorraren 2021erako enplegu publikoaren eskaintza

Euskal Funtzio Publikoaren uztailaren 6ko 6/1989 Legeak 23.1 artikuluan, azaroaren 7ko 16/1997 Legeak emandako idazkeran, xedatutakoarekin bat etorritik, "Administrazio Publiko bakoitzeko langileekin bete ezin diren giza baliabideak, hots, aurrekontu-izendapena dutenak, enplegu publikorako eskaintzaz beteko dira"

Bestalde, 2021erako Estatuko Aurrekontu Orokorreari buruzko abenduaren 30eko 11/2020 Legeak 19. artikuluan xedatzen duenez, sektore publikoan langile berriak sartzeko, 18. artikuluko Bat.e) paragrafoan aurreikusitako organoak izan ezik, langileen birjartze tasa ehuneko 110ekoa izango da lehentasunezko sektoreetan, eta ehuneko 100ekoa gainerako sektoreetan.

Aipatutako legeak, halaber, langileen birjartze tasak kalkulatzeko prozedura ezartzen du, kasu bakoitzean gehieneko ehuneko aplikatzeko. Prozedura horren arabera, birjartze tasa nahikoa da eskaintza hau osatzen duten plazak gaitzeko, Funtzio Publikoaren Zuzendaritzak emandako txostenaren arabera.

Kontuan izanik uztailaren 6ko 14/2021 Errege Lege-Dekretuan (enplegu publikoan behin-behinekotasuna murrizteko presako neurriena) aurreikusitakoak legez behin betikoz idazteko zain daudela erabaki hau onesten den egunean, eskaintza honen ondorioz egiten diren deialdiak enplegu publikoa egonkortzeari eta finkatzeari buruz aplikatu beharreko legerian xedatutakoari lotuko zaizkio betiere.

Ordezkaritza duten sindikatuarekin negoziatu ondoren, Enplegatu Publikoaren Oinarriko Estatutuaren Legearen testu bateginak, urriaren 30eko 5/2015 Legegintzako Errege Dekretuaren bidez onartu zenak, 37.1.1) artikuluan jasotzen duena betez, erabaki honen xedea da onestea Arabako Foru Aldundiaren Administrazio Orokorraren 2021eko enplegu publikoaren eskaintza. Eskaintza horretan sartzen dira, aurrekontu xedapenek langileak sartzeko ezarritako mugak betez, hutsik dauden lanpostuak, aurrekontu zuzkidura dutenak eta zerbitzu publikoen funtzionamendu egokirako atzeraezintzat jotzen direnak, barne hartuta enplegu eskaintzan bai sistema irekiz, bai barne sustapeneko sistemaz –sarbide sistema bietan txanda orokorrean zein ezinduentzako gordetako kupokoen bidez– bete behar diren plazak.

Arabako Lurralde Historikoko aurrekontua gauzatzeari buruzko Foru Arauan ezarritakoarekin bat etorritik, aztertu da Kontuhartzailatza eta Kontrol Zerbitzuak eman duen aurretiazko fiskalizazioaren aldeko 1127/2021. zenbakiko txostena.

Arauzko txostenak ikusita eta horietan oinarrituta, Enplegu, Merkataritza eta Turismo Sustapenaren eta Foru Administrazioaren Saileko foru diputatuak hala proposatuta eta Foru Gobernu Kontseiluak gaur bertan egindako bilkuran aztertu ondoren,

ERABAKIA

Lehenengoa. 1. Onestea Arabako Foru Aldundiaren Administrazio Orokorraren zerbitzura dauden funtzionarioen eta erabaki honen eranskinean jasotzen diren plazen 2021erako enplegu eskaintza.

2. Hautaketa prozesuak arrazionalizatzeko eta haien eraginkortasunerako, erabaki honek barne hartzen dituen plazak 2019ko eta 2020ko enplegu eskaintza publikoetakoei erantsiko zaizkie. Eskaintza horiek, hurrenez hurren, Foru Gobernu Kontseiluaren abenduaren 27ko 828/2019 Erabakiaren eta abenduaren 22ko 671/2020 Erabakiaren bidez onetsi ziren.

Bigarren. 1. Euskal Funtzio Publikoari buruzko 6/1989 Legeak 55. eta 56. artikuluetan aurreikusitakoaren arabera, barne sustapeneko sistemaren bidez sartzeko gordetzen da, eskala bakoitzaren barruan, eranskin horretan aipatzen den plaza kopurua.

2. Barne sustapeneko txanda orokorrean betetzen ez diren plazak sistema irekiaren bidez deitutako plazaei gehituko zaizkie, langileen birjartze tasatik eratorritako plazen gehieneko mugaren barruan.

Hirugarrena. 1. Enplegatu Publikoaren Oinarrizko Estatutuaren Legearen Testu Bategina onesten duen urriaren 30eko 5/2015 Legegintzako Errege Dekretuak 59. artikuluan xedatutakoa eta Euskal Funtzio Publikoaren 6/1989 Legeak xedapen gehigarrietako zazpigarrenean ezarritakoa betetz, bai eta aplikatzekoa den araudia ere, lanpostu hutsen erreserba ezartzen da ehuneko 33ko desgaitasuna edo handiagoa duten pertsonak betetzeko, betiere hautaprobak gainditzen badituzte eta, bere garaian, egiaztatzen badute adierazi den desgaitasun maila dutela eta lanak eta eginkizunak betetzearekin bateragarria dela aplikatzekoa den legerian ezartzen den moduan.

2. Desgaituentzat gordetako plazak plaza arruntekin batera deituko dira, erabaki honen eranskinean ezarri denez, eta deitzen diren hautapen prozeduretan gainerako hautagaiek dituzten baldintza berberekin onartuko dira. Gainera, hala eskatzen duten desgaituentzat, hautaprobetan denbora eta baliabideak egokituko dira, baldin eta egokitzapen horiek proben edukia aldatzen ez badute edo horietan eskatzen den gaitasun maila gutxitzen edo kaltetzen ez bada.

Laugarrena. Aipatutako eranskin horretan zehazten da zein plazak daukaten euskararen hizkuntza eskakizun aginduzkoa, ezinbestean bete behar dena lanpostua betetzeko.

Bosgarrena. Plazak eskuratzeko sistema, oro har, oposizio-lehiaketa izango da. Eskaintako plazak eskuratzeko prozedura eta betekizunak kasuan kasuko deialdietan zehaztuko dira, bigarren diputatu nagusiorde eta Enplegu, Merkataritza eta Turismo Sustapenaren eta Foru Administrazioaren Saileko foru diputatuaren foru aginduz onetsiko diren oinarrien arabera, zeinak lotu beharko baitzaizkie enplegu publikoa egonkortu eta finkatzearen alorrean aplikatu beharreko legerian xedatutakoari.

Seigarrena. Enplegu publikoaren eskaintza hau gauzatzeko deialdia 3 urteko epe luzaezinean argitaratu beharko da, bat etorritik 2021erako Estatuko Aurrekontu Orokorrei buruzko abenduaren 30eko 11/2020 Legearen 19. Bi artikuluan ezarritakoarekin.

Zazpigarrena. Argitaratzea erabaki hau eta bere eranskina ALHAOn, eta haren laburpena Euskal Herriko Agintaritzaren Aldizkarian.

Vitoria-Gasteiz, 2021eko abenduaren 21a

Diputatu nagusia

RAMIRO GONZÁLEZ VICENTE

Bigarren diputatu nagusiordea eta Enplegu, Merkataritza eta Turismo Sustapenaren eta Foru Administrazioaren Saileko foru diputatua

CRISTINA GONZÁLEZ CALVAR

Funtzio Publikoko zuzendaria

ADOLFO LANDER VERA



ANEXO											
TALDE AZPITALDEA	ESKALA, AZPIESKALA, ETA KLASEA	PLAZA	SISTEMA IREKIA				BARNE SUSTAPENEN SISTEMA				GUZTIRA
			TXANDA OROKORRA	EZINDUENTZAT GORDETAKO KUPOA		TXANDA OROKORRA	EZINDUENTZAT GORDETAKO KUPOA				
				DDHE	DDGHE		DDHE	DDGHE			
A (A1)	11 AO-T	Administrazio Orokorreko teknikariak	4	9	--	1	1	4	--	1	20
		Ekonomia eta Enpresa Zientziak	--	2	--	1	--	--	--	--	3
		Zuzenbidea	--	2	--	--	--	1	--	--	3
		Kiroletako goi-mailako teknikaria	2	--	--	--	--	--	--	--	2
		Bide, Ubide eta Portuetako ingeniaria	1	1	--	--	--	--	--	--	2
A (A2)	221 EGITEKO BEREZIAK	Antolaketa	3	1	--	--	--	--	--	--	4
		Nekazaritzako ingeniari teknikoa	2	5	--	--	--	2	--	--	9
		Industria ingeniari teknikoa	--	2	--	--	--	--	--	--	2
A (A2)	212 AB-T-EMT	Herrilarietako ingeniari teknikoa	3	4	--	--	--	--	--	--	7
			15	26	--	2	1	7	--	1	52

LABURTZAPENAK:

DDHE: DERRIGORTASUN DATADUN HIZKUNTZA ESKAKIZUNA
 DDGHE: DERRIGORTASUN DATARIK GABEKO HIZKUNTZA ESKAKIZUNA

ESKALAREN KODEAK:

11: ADMINISTRAZIO OROKORRA - TEKNIKARIAK
 211: ADMINISTRAZIO BEREZIA - TEKNIKARIAK - GOI-MAILAKO TEKNIKARIA
 212: ADMINISTRAZIO BEREZIA - TEKNIKARIAK - ERDI-MAILAKO TEKNIKARIA
 221: ADMINISTRAZIO BEREZIA - ZERBITZU BEREZIAK - EGINKIZUN BEREZIAK